



Inatsisartunut ilaasortaq Jens B Frederiksen
Demokraatit
/maani

§ 37 naapertorlugu apeqqummut 2013/253-imut akissut

27-12-2013
Sags nr. 2013-093485
Dok. nr. 1431756

Asasara Jens B. Frederiksen

Postboks 1029
3900 Nuuk

Inatsisartut suleriaasiat naapertorlugu pingasunik apeqquaqarputit.
Apeqqutit ataasiakkaarlugit ataani akineqarput.

Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl

Apeqqut 1.

Naalakkersuisunut nassuaatigeqquneqarpoq suliniutit peqatigiiffiillu sorliit tipsimit lottomillu aningaasanik pulje C-meersunik ukiuni 2011-mi 2012-mi 2013-milu aningaasaliiffigineqarsimanersut. Akissummi paasiuminartumik kisitsisitigut takussutissiisoqaralarpat ajunngilaq.

Akissut:

Tipsernermi Lottonermilu aningaasanit Pulje C-mit ukiuni 2011-12-13-imi tapiissutisisut pillugit takussutissiaq ilanngussaq 1-itut ilanngunneqarpoq.

Apeqqut 2.

Suliniutit/peqatigiiffiit sorliit Naalakkersuisunit kingullitinneqarniarpat, Kulturimut Naalakkersuisoq aalajangerpat Nunatta Isiginnaartitsisarfia salliutinniarlugu?

Akissut:

Suliniuteqarfinnik aalajangersimasunik Naalakkersuisut salliutinniarnerat, assersuutigalugu isiginnaartitsisarneq, isumaqanngilaq qinnuteqartut tamarmik ingerlaannaq tapiissutisisissasut. Aammattaaq erseqqissarneqassaaq Nunatta Isiginnaartitsivia salliutinneqartoq, naatsorsuutigineqarporli isiginnaartitsisarneq tamarmi suliniuteqarfigineqassasoq.

Aammattaaq tapiissusiisarneq maannakkutut qinnuteqartunik tapiiffigineqarnissamut piumasqaatinik eqqortitsisunik nalilersuineq tunngavigalugu pisassaaq.

Kalaallit Nunaanni isiginnaartitsisartut taparserneqarnissamut periarfissaat isigigaanni najoqqutassiani atuuttuni isiginnaartitsinermi aningaasannanniarluni isiginnaagassiat pillugit immikkoortoq 1.8,6-imi atuutitsinninnissaq periarfissarlu tak. immikkoortoq 1.10 takuneqarsinnaapput:

"Isiginnaartitsissusiornermut tapiisoqarsinnaavoq, tassunga ilanngullugu malittarisassani taakkunani malittarisassat allat malillugit isiginnaartitsivimmik ilusilersuineranut aningaasartuutitut"

Inuussutissarsiutigalugu kajumissutsimikkullu isiginnaartitsisartut pulje c-mit suliniutitut taperserneqarnissamik qinnuteqarnissamut periarfissaat taamaalilluni piviusuuvoq. Kajumissutsiminnik isiginnaartitsisartut aamma Nunatta Isiginnaartitsisarfia aqqissuussineq tamanna siusinnerusukkut atorluartarnikuuaat.

Kalaallit Nunaanni isiginnaartitsisartut nunatsinni aningaasaateqarfinit taperserneqarnissamik aamma periarfissaqarluarput, soorlu Nunafondenimiit, Napa.gl-imiit, danskit nunanilu avannarlerni aningaasaateqarfiit aammalu Katuamut, Taserallimmut, Sermermiunut minnerunngitsumillu kommuninut sisamaasunut suleqatigiinnissami isumaqatigiissusiornikkut. Taamaammat nunatsinni nunanilu allani suleqatitit peqatigalugit suliniutinik nutaanik pilersitsinissamut periarfissaqarpoq.

Suliniutit/qinnuteqartut allat kingulliutinneqarnaviangillat. Ukiup 2011-p tungaanut Tapersnermit Lottornermillu aningaasat isertitat Tipsip Lottollu sinneqartoorutinik Kalaallit Nunaannut tunniuttagaannik tunngaveqarput, tamanna pivoq issuarneqartutut Danmarkimi pinnguaatinik pinnguartarneq pillugu inatsit allannortillugu ammanerulersinneratigut:

"Pinnguaatit ilaat pillugit Kalaallit Nunaannut inatsimmi § 35-imi aalajangersarneqarpoq:

§ 35. Kalaallit Nunaanni pinnguaatinit neqeroorutigineqartunit danskit naalagaaffianniit Kalaallit Nunaanni Namminersorlutik Oqartussanut aningaasanik inatsit una naapertorlugu nuussisoqartarpoq. Aningaasat 2010-mi naatsorsuutit tunngavigalugit 2011-mi pinnguaatit, eqqorniaanerit eqquniarnerillu pillugit inatsit naapertorlugu Danske Spil A/S-ip Kalaallit Nunaanni Namminersorlutik Oqartussanut nuutaasa amerlaqatigaat.

Imm. 2. Imm. 1-imi aningaasat atuisunut akinik takussutissat naapertorlugit aqqiivigineqartarput. Procenti ataatsimik decimalilerlugu naatsorsorneqartarpoq. Taamaalilluni aningaasat qummut koruuninut qaninnermut milliunimik ataatsimik dividiarerneqarsinnaanut aqqinneqartarput.

Imm. 3. Finansministeri aamma skatteministeri Kalaallit Nunaanni Namminersorlutik Oqartussanut aningaasat annertussusaat imm. 1-imi taaneqartut nutarterneqarsinnaanerit siunertaralugu nassuiaasiussapput.

Imm. 4. Aningaasat imm. 1-imi taaneqartut Kalaallit Nunaanni Namminersorlutik Oqartussat siunertanut tamanut iluaqutaasunut agguaattarpai, takujulli imm. 5.

Imm. 5. Aningaasat imm. 1-imi taaneqartut ilaat amerlassutsimikkut Kalaallit Nunaanni pinnguaatinit naalagaaffimmut akitsuutit ukiumoortumik ataatsimut tapiissutinit ilanngaaticigineqartartut 2003-mi atorunnaartut amerlaqatigisaat Kalaallit Nunaanni Namminersorlutik Oqartussanut siunertanut allanut atorneqarsinnaapput.

Inatsit taanna isumaqarpoq Finans- aamma Skatteministeriat nalunaarutaasa saqqummiunneqarnissaata tungaanut isertitat 2014-imut aningaasanut inatsimmi aalajangersarneqartut taaneqartut (qupperneq 479) 28,2 mio. kr.-upput.

Akilerartarnermut Pisortaqaarfiup 9,8 mio. kr.-nik pisassaminik pereernerata kingorna taamaalilluni Inatsisartut inatsisaanni nr. 10, 22. november 2011-meersumi agguaanermut tunngavik naapertorlugu Tipsernermi Lottornermilu Pulje C-mut 7,3 mio. kr.-upput.

Tipsernermit Lottornermillu isertitat ukiuni arlalinni amerliartornikuupput qinnuteqaatit amerliartoratik. Ukiut siuliini aningaasat atorneqanngitsut nuunneqarsinnaammata pulje C-mi aningaasat atorneqanngitsut amerliartormata Naalackersuisut tamanna tunngavigalugu naliliipput isiginnaartitsisarfiup Tipsernermit Lottornermillu aningaasanik Pulje C-miittunik qinnueqarnissamut periarfissaqarnerata qinnuteqartut allat qinnuteqaataasa akuerineqarnissaat annikillissisinnigilaa.

Assersuutigalugu 2013-imi pulje C-mit ullumikkumut 5,3 mio. kr.-t agguaanneqarput, 400.000 kr.-it ilisimatusarnermut immikkoortinneqartut agguaanermut ilanngunnagit.

Apequt 3.

Kulturimut Naalackersuisoq oqarpoq pingaartillugu Nunatta Isiginnaartitsiviata sinerissamut angalanissaa. Tamanna qanoq iliorluni qulakkeerniarpa paasinarmat tipsimit lottomillu aningaasanik pulje C-meersunik angalanernut tapiiffigineqarnissamut qinnuteqartoqarsinnaanngitsoq?

Akissut:

Sullissivik.gl-imi immikkoortoq taanna pillugu paasissutissiissutigienqartut ajoraluartumik najoqqutassanut atuuttunut tamakkiisumik naapertuutinnigillat. Naalackersuisut nittartagaannut nutaamut ikaarsaariarnermut atatillugu najoqqutassanut eqqortunut innersuussineq www.nanoq.gl-imiittoq annaaneqarpoq.

Kukkuneq taanna maannakkut iluarsineqarpoq, aammalu Tipsernermi Lottornermilu pulje C-mut najoqqutassat atuuttut maannakkut sullissivik.gl-imit aaneqarsinnaalerput.

Tipsernermi Lottornermilu pulje C-mut najoqqutassiani ilanngunneqartuni (ilanngussaq 2) 1.8.1-imi ersippoq sulisitsisup tamanna akilissagaa ilimagineqarpat angalanernut tapiissutinik qinnuteqartoqarsinnaanngilaq. Malittarisassaq taanna 1.8.6-imi najoqqutassiat ilanngullugit nassuiarneqassaaq. Taamaalilluni taakku missingersuutinit tapiissutinilluunniit nalinginnaasunit matussuserneqanngippata angalanernut qinnuteqarnissamut periarfissaqarpoq.

Taamaammat isiginnaagassiornernut imaluunniit isiginnaartitsilluni angalanernut qinnuteqartup missingersuutaani nalinginnaasumi akilerneqarsinnaasutut ilimagineqanngitsunut atatillugu qinnuteqarnissamut periarfissaqarpoq.

Inussiarnersumik inuulluaqqusilluta

A handwritten signature in black ink, appearing to be 'N. Nielsen', written in a cursive style.

Nick Nielsen



11. december 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Nunatta Isiginnaartitsisarfia aamma tipsimit lottomillu aningaasat pillugit.

1. Naalakkersuisunut nassuiaatigeqquneqarpoq suliniutit peqatigiiffiillu sorliit tipsimit lottomillu aningaasanik pulje C-meersunik ukiuni 2011-mi 2012-mi 2013-milu aningaasaliiffigineqarsimanersut. Akisummi paasiuminartumik kisitsisitigut takussutissiisoqaraluarpat ajunngilaq.
2. Suliniutit/peqatigiiffiit sorliit Naalakkersuisunit kingulliutinneqarniarpat, Kulturimut Naalakkersuisoq aalajangerpat Nunatta Isiginnaartitsisarfia salliutinniarlugu?
3. Kulturimut Naalakkersuisoq oqarpoq pingaartillugu Nunatta Isiginnaartitsiviata sinerissamut angalanissaa. Tamanna qanoq iliorluni qulakkeerniarpaa paasinarmat tipsimit lottomillu aningaasanik pulje C-meersunik angalanernut tapiiffigineqarnissamut qinnuteqartoqarsinnaanngitsoq.

(Inatsisartunut ilaasortaq Jens B. Frederiksen, Demokraatit)

Tungavilersuut:

Kulturimut Naalakkersuisup tupinnaannartumik isumaqarpoq suliamik matusisinnaalluni. Taannami Sermitsiaq.ag-mut oqarpoq:

"Nunatta Isiginnaartitsisarfiata aningaasaqarnera pillugu tusagassiutini oqallinneq matumuuna unippoq aamma illuatungeriit iluarisimaarpat isumaqatigiinneq anguneqarsimammat."

Ajoraluartumilli Kultureqarnermut Naalakkersuisumut erseqqissartariaqarpara, taassuma aalajangertussaanngikkaa suliaq sunaagaluartorluunniit qaqugu matuneqassanersoq. Maannakkoqqissaaq Nunatta Isiginnaartitsivia pillugu apeqqutit 245 aamma 246 sulii akinikuunngilai aamma soorunami qulaani apeqqutigisakka akineqartussaapput, taamaattumik suliaq matuneqanngilluaasarpoq.

Kulturimut Naalakkersuisoq aalajangersimagunarpoq, tipsimit lottimillu aningaasaliissutit ilaat Nunatta Isiginnaartitsivianut pinngitsooratik tutsinneqassasut. Tipsimit Lottomiillu aningaasat 2014-mut Aningaasanut Inatsimmi amerlassuseqarput 28,2 millioner koruuninik, aningaasalli amerlanersaat iniliornermut sanaartornermullu aningaasaateqarfimmu, Kalaallit Nunaanni Timersortartut Kattuffiannut, Elitesport Greenlandimut taamatullu Meeqqat Inuusuttullu Kattuffiinnut aningaasaliissutigineqarnikumamta taava imatut paasinarpoq Kulturimut Naalakkersuisoq taamaallaat pulje C-mik taaneqartartunit toqqartumik aningaasaliissuteqarsinnaasoq, taakku aningaasaliissutigineqarnikuupput "Allanut naliginnarmik iluaqtaasussanut".



DEMOKRAATIT DEMOKRATERNE

Aningaasaliissutit taakku amerlassuseqarput 7,3 millioner koruunerpianik.

Taamaattumik Nunatta Isiginnaartitsivia 3 millioner koruuninik taakkunannga aningaasaliiffigineqassappat taava suliniuterpassuit/påeqatigiiffippassuit tapiissutisiassaminnut utaqqilussinnartussaapput.

Demokratini tamanna tunngavigalugu soqutigaarput paasissallugu, peqatigiiffiit aamma/imaluunniit suliniutit sorliit kingullinngortinneqassamaarnersut Kulturimut Naalakkersuisup aalajangernerata kingorna.

Apeqqutit akeqquneqarput tigusineraniit ullut sulliviit nalignnaasut qulit qaangiutsinnagit.

Tipserluni lottorlunilu eqquiniaanermut isertitat pillugit maleruagassat - aningaasanik immikkoortitsiffik C

1. Siunertat aningaasallu atornissaat

- 1.1 Tipsernermit lottornermillu iluanaarutinit agguaassisarneq pillugu Inatsisartut inatsisaat nr. 7, 1. juni 2006-imeersoq naapertorlugu siunertanut iluaqutaasussanut tapiissuteqartoqartarpoq, taakkununga ilaallutik kulturikkut siunertat, inunnt paasititsiniaanermut siunertanut, nappaatinik akiuiniarnermut pitsaaliuinernullu siunertanut, isumaginninnikkut siunertanut, silami sammisassaqartitsineranut siunertanut kiisalu iluaqutaasussamik ilisimatusarnermut siunertanut.
- 1.2 Peqatigiiffiit, inuit ataasiakkaat, nuna tamakkerlugu kattuffiit, kattuffiit allat suliffiillu imminnut pigisut assigisaallu tapiissutinik qinnuteqaateqarsinnaapput (qinnuteqarnermut immersuiffissat takukkit).
- 1.3 **Suliuniutinut tapiissutinut (3.1 takuuk) aamma ingerlatsineranut tapiissutinut (3.2 takuuk) qinnuteqartoqarsinnaavoq.**
- 1.4 Immikkoortup 1.1-p ataani taaneqartumi ilisimatusarnermut taamattaq qinnuteqartoqarsinnaavoq. Ilisimatusarnermik sulianut tapiissutit malittarisassat atuuttut naapertorlugit ilisimatusarnermut immikkoortortaqaarfimmit aqunneqarput. Qinnuteqarnermi immersugassaq pillugu annertunerusumik paasissutissat uani www.nanoq.gl pineqarsinnaapput.
- 1.4 1.5 Tapiiffigineqarnissamut piumasaqaataavoq, qinnuteqartup Kalaallit Nunaanni najugaqartuunissaa.
- 1.6 Suliniutinut sammisanullu Kalaallit Nunaanni avataanilu ingerlanneqartunut tapiissuteqartoqartassaaq.
- 1.7 Aaqqissuussinernut tamakkuluunniit ilaannut immiaaqqamik, viinnimik imagassamilluunniit sassaalliffiusunut imaluunniit aaqqissuussinernut atatillugu taaamaattumik pisoqarfiusunut tapiissuteqartoqartassanngilaq.
- 1.8 Tapiiffigineqartassanngillat:
- 1) feeriarluni angalanernut, paasisassarsiorluni angalanernut, ilisimasassarsiornermut ilinniartitaanernullu,
 - 2) angalanernut pikkorissarnernullu sulisitsumit akilerneqartussat ilimagineqartunut
 - 3) nipilersuutinik, qarasaasianut atortunik atortussianillu immiuttakkanik, atortussanik, sakkussanik il.il. pisiortornernut (taamaattoq atortussat eqqarsaatigalugit 1.9 pinnagu)
 - 4) akissarsiassat, tassaasut pokalit aningaasallu akissarsiassat imaluunniit aningaasanik naleqartut
 - 5) sanaartornerit nutarterinerillu,

- 6) iluanaarutissatut tunisassiat (taamaattoq 1.8 aamma 1.9 pinnagit)
- 7) sammisassat, qinnuteqartup nalinginnaasumik missingersuusianit matussuserneqarsinnaasutut naatsorsuutigineqartut
- 8) sammisassat, Namminersornerullutik Oqartussat qitiusumik aqutsisoqarfiata imaluunniit kommunalbestyrelsip ataaniittut
- 9) sammisassat qinnuteqarsinnaanermut periarfissap naanerani aallarnerneqareersut
- 10) amigartoorutinut matussutissat
- 11) qinnuteqartup akissarsiaasa matussusernisaanut
- 12) nittartakkat pilersinnerinut ingerlannerannullu (3.2 malillugu paasititsiniaanernut tamanna atuutinngilaq)

- 1.9 Atuakkanik naqiterisitsinermut annerpaamik kr. 75.000 tapiissutigineqassapput, piunasaqaatigalugu, ilanngussat naleqquttut (soorlu atuakkat ujarliutaat atuakkianullu misiligutit), naqiterivimmik naqiterisitsisarfirmillu isumaqatigiissutit ilanngussatut ilanngunneqarsimanissaat. Atuakkanut tusarnersulianut aammalu atuakkanut kultureqarnermut tunngasunut kiisalu qaammarsaalluni atuakkianut tapiissuteqartoqartassaaq. Nutaamik saqqummersitanut taamaallaat tapiissuteqartoqarsinnaavoq. Atuakkanik saqqummersitsisarfinnut tapiissuteqartoqarneq ajorpoq.
- 1.10 Isiginnaagassianik aqqissuussinermut tapiissuteqartoqartassaaq maleruagassiani ukunani maleruagassat allat malillugit isiginnaartitsiviup aqqissorneranut aningaasartuutit ilanngullugit.
- 1.11 Qinnuteqarnissamut periarfissiunneqartup naaneraniit sivisunerpaamik ukioq ataaseq aningaasaliiffiglugu tapiissuteqartoqarsinnaavoq.

2. Tapiissuteqarnissami piunasaqaatit

Qinnuteqartumut piunasaqaatit

- 2.1 Pingaartinneqarpoq tapiissutit akuersissutigineqartut qinnuteqartunut siammasissunut, peqataasunut nalinginnaasumillu innuttaasunut iluaqutissanngornissaat aammalu aqqissuussinermi kalaallit suleqataallutik sunniuteqataasuunissaat.
- 2.2 Tapiissutit qinnuteqaatip ilaanut aalajangersimasumut akuersissutigineqarpata tamanna akuersissuteqarneq pillugu allakkiami allassimassaaq.

Nuna tamakkerlugu kattuffiit, nuna tamakkerlugu peqatigiiffiit kattuffiillu allat akuerineqarnissaannut piunasaqaatit

- 2.3 Ileqqoreqqusani takuneqarsinnaassaaq kattuffiup/peqatigiiffiup/kattuffiup allap nuna tamakkerlugu najukkani peqatigiiffiit imaluunniit ilaasortat ataasiakkaat assingusumik soqutigisallit katersorneqarnissaat anguniaqarigaa, takuuk 1.1.

- 2.4 Kattuffiup/nuna tamakkerlugu peqatigiiffiup/kattuffiup allap peqatigiiffeqarnermi nalinginnaasumik malittarisassat malissavai. Tamanna ilaatigut isumaqarpoq akuerisaasunik ileqqoreqqusaqassasoq, siulersuisoqassasoq, ilaasortanik nalunaarsuiffeqassasoq aammalu ataatsimeersuartoqartassasoq il.il.
- 2.5 Kattuffik/nuna tamakkerlugu peqatigiiffik/kattuffik alla ikinnermaamik kommmunini marlunni imaluunniit ikinnerpaamik kommmunini 2-ni 4-nik najukkami peqatigiiffilimmi ikinnerpaamik 25-nik ilaasortaqaassaaq.

Peqatigiiffiit ilaasortaasa affaat 30-nik ukioqalersimangitsut meeqqat inuusuttuaqqallu peqatigiiffiisut isigineqartarput, qinnuteqaatillu nassiunneqassapput immikkoortoq 2.14-mi oqaatigineqartutut.

Najukkani peqatigiiffiit akuerineqarnissaannut piumasaqaatit

- 2.7 Ileqqoreqqusani takuneqarsinnaassaaq najukkani peqatigiiffiit ilaasortanik taamatut soqutigisalinnik katersuinissamik anguniagaqartuussut, takuuk 1.1
- 2.8 Peqatigiiffiup peqatigiiffimmik ingerlatsineq pillugu aalajangersakkat nalinginnaasut malissavai. Tamanna ilaatigut isumaqarpoq akuerisaasunik ileqqoreqqusaqassasoq, siulersuisoqassasoq, ilaasortanik nalunaarsuiffeqassasoq aammalu ataatsimeersuartoqartassasoq il.il.
- 2.9 Najukkani peqatigiiffiit ikinnerpaamik 10-nik ilaasortaqaassapput.
- Peqatigiiffiit ilaasortaasa affaat 30-nik ukioqalersimangitsut meeqqat inuusuttuaqqallu peqatigiiffiisut isigineqartarput, qinnuteqaatillu nassiunneqassapput immikkoortoq 2.14-mi oqaatigineqartutut.

Ilaasortaanerup nassuiarnera

- 2.11 Ilaasortat ilaasortaanermut akiliuteqartartut taamaallaat ilaasortatut isigineqarput.

Ilaasortat amerlassusiinik nakkutillineq

- 2.12 Peqatigiiffiit kattuffiillu pisorta qarfiup piumasaqarineratigut ilaasortat akiliuteqartartut amerlassusiinut uppernarsaatit nassiutissavaat, ilaasortaasut aqqi, najugaat inuuiilu ilanngullugit.
- 2.13 Ilaasortanik nalunaarsuinissamik aqutsisoqarfiup piumasaqarnera naammassineqanngippat tapiissutit tunniunneqareersut tamakkerlugit ilaannaalluunniit uterteqqullugit piumasarineqassapput.

Qinnuteqaammut piumasaqaatit

- 2.14 Qinnuteqaatit piffissaq eqqorlugu aqutsisoqarfimmut nassiunneqartut kisimik suliarineqartassapput.

- 2.15 Qinnuteqaatit immikkoortoq 4-mi piumasarineqartunik naammassinnittut kisimik suliarineqartassapput.
- 2.16 Timersoqatigiiffiit aammalu meeqqat inuusuttuaqqallu kattuffii timersornertaqanngitsut aningaasanik immikkoortitsiffimmit A-mit (timersoqatigiiffinnut tapiissutit) B-millu (meeqqat inuusuttuaqqallu pillugit suliniutinut timersornertaqanngitsunut tapiissutit SORLAK-mit aqunneqartut). Aammali kattuffiit tamakku sammisassanut aningaasanik immikkoortitsivinnit A-mit B-millu tapiissuteqarfigineqarnissamut piumasaqaatinut attuumagaluarlutilluunniit attuumangivissunut aningaasanik immikkoortitsiffimmit C-mit qinnuteqarsinnaapput.
- 2.17 Meeqqat inuusuttuaqqallu kattuffiinit timersornertaqanngitsunit [Meeqqat inuusuttuaqqallu kattuffiinit timersornertaqanngitsunit](#) immikkoortitsiffimmut B-mut qinnuteqaatit SORLAK-mut ingerlateqqinneqassapput. Qinnuteqaatit, immikkoortitsiffimmit B-mit tapiiffigineqarsinnaanngitsut, SORLAK-mit inassuteqaat ilanngullugu KIIIA-imut ingerlateqqinneqassapput.
- 2.18 Timersoqatigiiffinnit qinnuteqaatit Kalaallit Nunaanni Timersoqatigiit Kattuffiannut (GIF) ingerlateqqinneqassapput. Qinnuteqaatit, immikkoortitsiffimmit B-mit tapiiffigineqarsinnaanngitsut, SORLAK-mit inassuteqaat ilanngullugu KIIIA-imut ingerlateqqinneqassapput.

Tapiissutit tunniunneqarnissaannut piumasaqaatit

- 2.19 Samminiakkat aningaasalersornerisa katillugit akuerineqarsinnaaneri piumasaralugu tapiissutit tunniunneqarsinnaapput taavalu sammisassanut allanut atorneqarsinnaanatik, taamaallaalli tapiiffigineqartussatut qinnutigineqartunut.
- 2.20 Sammisat isertitaqarfiunerini piumasaqaatigineqarsinnaavoq, sammisat sinneqartooruteqarnerini tapiissutit tamakkerlugit ilaannanngorlugilluunniit utertillugit akilerneqassasut.
- 2.21 Qinnuteqartut tapiiffigineqartut namminneq soorlu isiginnaartitsisartunik eqqumiitsuliortunilluunniit akissarsititsinermi akileraarutissat akilernissaat akisussaaffigaat.
- 2.22 Tapiissutit akuersissutigineqartut tamaasa ilaannaalluunniit utertillugit akilerneqarnissaat piumasarineqarsinnaavoq paasissutissat nassiunneqartut eqqortuunngippata, tapiissutissat tunniunnissaannut piumasaqaatit malinneqarsimanngippata imaluunniit naatsorsuutit piffissaq eqqorlugu nassiunneqanngippata.
- 2.23 Tapiissutit tunniunneqartarneri naafferartumik pisinnaavoq.

3 Tapeeriaatsit qinnuteqarnissamullu piffissaliussat

- 3.1 **Suliniutinut tapiissutit:** Kikkunnilluunniit qinnutigineqarsinnaapput tassanilu pineqarput pilersaarutinut aalajangersimasunut piffissami aalajangersimasumi naammasisassanut tapiissutit.

Taamaallaat tapiissuteqartoqarsinnaavoq pilersaarutinut tapiissutinik qinnuteqarnissamut piffissaliussap kingorna aallartinneqartussanut. Missingersuutini tapiiffigineqarsinnaatitaasut 75 %-ii angullugit tapiissuteqartoqarsinnaavoq, taamaattorli amerlanerpaamik kr.150.000.

Kingusinnerpaamik qinnuteqarfissat: Februaarip 15., apriliip 15., septembarip 15. aamma novembarip 15.

- 3.2 **Ingerlatsinermut tapiissutit:** Nuna tamakkerlugu kattuffinniit, nuna tamakkerlugu peqatigiiffinniit kattuffinniillu allanit tamanut iluaqutissiinissamik siunertaqartunit qinnutigineqarsinnaapput. Kr. 80.000 angullugit tapiissutigineqarsinnaapput. Ingerlatsinermut aningaasartuutit ilaannut ingerlatsinermi aningaasartuutitut allanit amelanerusunut tapiissutissanik taamaallaat qinnuteqartoqarsinnaavoq.

Ingerlatsinermut tapiissutinut ilaapput sulisorisanut, ininut, allaffimmi atortunut, siulersuisut sulinerannut (taamaattoq siulersuisuni ilaasortaasut akissarsiassaat ilanngunnagit), paasisitsiniaanermi atortunut assigisaanullu tapiissutit.

Kingusinnerpaamik qinnuteqarfissaq: Decembarip 15-iat.

4 **Qinnuteqarnermit maleruagassat**

- 4.1 Qinnuteqaat PC-mik imaluunniit skrivemaskinamik allanneqassaaq.
- 4.2 Tapiiffigineqarsinnaasut imaluunniit sammisassat tapiiffigeqqullugit qinnutigineqartut immikkoortillugit, ataatsimik qinnuteqaasiorlugit nassiunneqassapput.
- 4.3 Tipserluni lottorlunili eqquiniaanermi isertitanit tapiiffigeqqulluni qinnuteqarnermi immersuiffissat atorneqassapput. Qinnuteqarnermi immersuiffissat www.nanoq.gl/-imi pigineqarput, aqutsisoqarfimmullu saaffiginninnermi aammattaaq pineqarsinnaallutik.

Qinnuteqaat uunga nassiunneqassaaq: Kultureqarnermut, Ilinniartitaanermut, Ilisimatusarnermut Ilageeqarnermullu Aqutsisoqarfik Box 2221, 3900 Nuuk.

- 4.5 Qinnuteqaatit ullormi qinnuteqarnissamut periarfissiunneqartumi kingusinnerpaamik nal. 16.00 aqutsisoqarfiup tigoreersimassavai. Qinnuteqaatit allakkatigut nassiunneqartut kisimik akuerineqarsinnaapput.

- 4.6 Sullissineq minnerpaamik sap. akunnerinik 4-nik sivissuseqarnissaa naatsorsuutigineqassaaq.

5 Naatsorsuutit kukkuneruinerlu

Naatsorsuusiornermut piunasaqaatit

- 5.1 Nuna tamakkerlugu kattuffiit, nuna tamakkerlugu peqatigiiffiit kattuffiillu allat ukiumoortumik **ingerlatsinnermut tapiissutinik** tigusaqarsimasut ukiup ataatsip qaangiunnerani kingusinnerpaamik 1. juni ukiumoortumik naatsorsuutinik kukkuneruinerlu allattuiffiit atsiorneqareersunik aqutsissoqarfimmut nassiussaqaassapput.
- 5.2.1 Ukiumoortumik naatsorsuutit kukkuneruinerlu naalagaaffimmit akuerineqartumit imaluunniit nalunaarsorneqarsimasumit kukkuneruinerlu naalagaaffimmut, ukiup ingerlanerani 150.000 amerlanerusulluunniit tapiissuteqartoqarsimappat imaluunniit immikkoortitsiffik C-mit amerlanerusunik tapiissuteqartoqarsimappat (suliniutinut tapiissutit ilanngullugit).
- 5.3 Nuna tamakkerlugu kattuffiit, nuna tamakkerlugu peqatigiiffiit kattuffiillu allat **suliniutinut** tapiissutinik tigusaqarsimasut suliniutinut pillugit naatsorsuutit suliniutinut naammassineranit kingusinnerpaamik qaammatit 3 qaangiutsinnagit naatsorsuutit nassiutissavaat. Naatsorsuutini isertitatut aningaasartuutitullu ikkussorneqartut missingersuutini ikkussorneqartunut naapertuutissapput. Nuna tamakkerlugu katuuffiit, peqatigiiffiit il.il. ukiup ingerlanerani suliniutinut imaluunniit ilisimatusarnernut 150.000 kr.-nik amerlanerusunilluunniit tapiiffigineqarsimasut aammattaaq naatsorsuutit kukkuneruinerlu naalagaaffimmit akuerineqartumit imaluunniit nalunaarsorneqarsimasumit kukkuneruinerlu naalagaaffimmut aqutsissoqarfimmut nassiutissavaat.
- 5.4.1 Najukkani peqatigiiffiit, suliffeqarfiit assigisaallu **suliniutinut** tapiiffigineqartut naatsorsuutinik ikinnerpaamik marlunnit atsiorneqartumik nassiussissapput. Naatsorsuutit siulittaasumit/direktørimit/suliffeqarfiup pisortaanit aammalu naatsorsuuserinermik akisussaasumit atsiorneqassapput. Naatsorsuutini isertitatut aningaasartuutitullu ikkussorneqartut missingersuutini ikkussorneqartunut naapertuutissapput.
- 5.5.1 Inuit ataasiakkaat **suliniutinut** tapiiffigineqartut naatsorsuutinik kukkuneruinerlu naalagaaffimmut **kukkuneruinerlu** imaluunniit naatsorsuutinik aningaasartuutinut isertitanullu bilagiinik ilalinnik nassiussaqaassapput. Naatsorsuutini isertitatut aningaasartuutitullu ikkussorneqartut missingersuutini ikkussorneqartunut naapertuutissapput.
- 5.6 Naatsorsuutit faxikkut mailikkulluunniit nassiunneqaqqusaanngillat.

5.7 Naatsorsuutini tunniunneqartuni pissusissamisuunngitsoqarpat aqutsisoqarfiup qaqugukkulluunniit tapiissuteqarfigineqartumut tunniuttakkat unitsissinnaavai aammalu tapiissutit tunniunneqareersut utertillugit akilernissaat piumasaqaatigisinnaallugu.

5.8

Aqutsisoqarfiup qaqugukkulluunniit peqatigiiffiup imaluunniit nuna tamakkerlugu kattuffiup/nuna tamakkerlugu peqatigiiffiup/kattuffiup allap kukkunnarsiuisua qinnuigisinnaavaa ilaasortanut nalunaarsuiffik nassiunneqartoq misissoqqullugu. Qinneqartoq tamanna kukkunnarsiuisumut nalunaarutigissallugu pisussaaffeqarpoq. Tassunga tunngasumut aningaasartuutaasinnaasut suliniaqatigiiffimmit akilerneqassapput.

Ulloq 1. december 2009

Kultureqarnermut, Ilinniartitaanermut, Ilisimatusarnermut Ilageeqarnermullu Aqutsisoqarfik